

四庫全書

史部

欽定四庫全書

欽定續通志卷四十二

遼紀二

世宗

穆宗

景宗

世宗皇帝諱阮小字烏雲義宗皇帝長子也母曰柔貞
皇后蕭氏義宗自東丹奔唐后母子仍留東丹帝長而
儀觀豐偉太宗愛之如子會同九年從伐晉大同元年
二月封永康王四月丁丑太宗崩於樂城戊寅梓宮次

中京諸將奉永康王即皇帝位於樞前甲申次定州命
天德碩格嘉哩等護梓宮先赴上京太后聞帝自立遣
魯呼率兵拒之六月甲寅朔次南京五院額爾奇木安
圖詳袞劉格請為前鋒至泰德泉遇魯呼軍與戰敗之
秋閏七月次潢河太后及魯呼整兵拒帝於橫渡相持
數日各罷兵趨上京既而遷太后於祖州誅司徒華沙
及春博哩八月壬午朔尊母蕭氏為皇太后以太后族
拉珠薩哈廉為國舅帳立詳袞以總焉以崇德宮戶分

賜翼戴功臣癸未始置北院樞密使以安圖為之九月

壬子朔葬太宗皇帝於懷陵丁卯行柴冊禮羣臣上尊

號曰天授皇帝大赦改大同元年為天祿元年

契丹國志云以

明年為天祿元年與連史異

追謚皇考曰讓國皇帝以安圖主東丹

國封明王察克為泰寧王以劉格為特哩袞高勳為南

院樞密使

二年春正月天德蕭翰劉格瑣都等謀反事覺誅天德

杖蕭翰遷劉格於邊罰瑣都使哈噶斯國漢主劉知遠

殂子承祐立夏四月庚辰朔南唐遣使來慰且賀兼奉
蠟丸書議攻漢是月如遼陽冬十月壬午南京留守魏
王趙延壽薨以中臺省右相德呼為南京留守封燕王
十一月駐蹕彰武南

三年春正月蕭翰及公主阿布哩謀反伏誅庚申肆赦
二月遷故晉主重貴於建州夏六月戊寅以敝史耶律
古爾錦為北院大王秋九月辛丑朔召羣臣議南伐冬
十月遣將攻貝州徇地鄴都南宮堂陽殺深州刺史史

萬山

四年春三月戊戌朔南唐遣使來賀南征捷秋九月乙丑朔如山西冬十月自將南伐攻安平內丘東鹿等縣下之是歲冊皇后蕭氏

五年春正月癸亥朔如百泉湖漢郭威弒其主自立國號周遣朱憲來告即遣使致良馬漢北京留守劉崇自立於太原二月周遣姚漢英華昭胤來以書辭抗禮留之夏五月壬戌朔太子太傅趙瑩薨命歸葬於汴六月

辛卯朔劉崇為周所攻遣使乞援且求封冊遣燕王德
呼樞密使高勳冊為大漢神武皇帝南唐遣使來是夏
清暑百泉嶺秋七月漢遣使來謝冊禮且請兵九月庚
申朔自將南伐壬戌次歸化州尚和山癸亥祭讓國皇
帝於行宮羣臣皆醉察克反帝崩年三十四謚曰孝和
皇帝統和二十六年加謚孝和莊憲皇帝廟號世宗陵
曰顯陵

世宗天祿五年

其元年即太宗大同元年

穆宗皇帝諱璟小字舒魯太宗長子也母曰靖安皇后
蕭氏會同二年封壽安王天祿五年九月癸亥世宗遇
害逆臣察克等伏誅丁卯壽安王即皇帝位羣臣上尊
號曰天順皇帝改元應歷戊辰如南京是月遣劉承訓
告哀於漢冬十月遣兵會漢攻周晉州不克十一月漢
周南唐各遣使來弔乙亥詔朝會依太宗皇帝故事用
漢禮十二月甲辰漢遣使獻弓矢鞍馬

二年春正月戊午南唐遣使奉蠟丸書及進犀兕甲壬

戊太尉和爾郭勒濟謀逆伏誅三月癸亥南唐遣使奉蠟丸書丁卯復遣使來貢甲申以耶律塔拉為南院大王夏五月壬午南唐遣使來貢六月壬辰國舅政事令蕭默赫特宣政殿學士李澣等謀南奔事覺詔暴其罪乙未祭天地壬寅漢為周所侵遣使來求援命中臺省右相高模翰赴之丁未以乳媪之兄嚇魯世為阿克蘇錫林額爾奇木秋七月乙亥政事令隆科林牙迪里侍中紳圖郎君哈里等謀反伏誅八月己丑默赫特伏誅

杖李澣而釋之九月戊午詔以平察克日用白黑羊玄酒祭天歲以為常壬戌獵於炭山祭天是月攻周冀州冬十月甲申朔漢遣使進葡萄酒十一月己卯日南至始用舊制行拜日禮十二月癸未朔高模翰及漢兵圍晉州甲辰獵於近郊祀天地辛亥明王安圖薨

三年春閏正月壬午漢以高模翰却周軍遣使來謝二月甲子太保迪里修易州城鎮州以兵來挑戰却之三月庚辰朔南唐遣使來貢因附書於漢詔達之庚寅如

應州擊鞠丁酉漢遣使進毬衣及馬庚子觀漁於神德湖夏五月壬寅漢遣使者來言石晉樹先帝聖德神功碑為周人所毀請再刻許之六月丁卯應天皇太后崩秋七月不視朝八月壬子以生日釋囚己未漢遣使求援九月庚子漢遣使貢藥冬十月魯呼子完郎君扎幹迪里謀反事覺辭連太平王雅斯哈林牙華格郎君錫倫等皆執之十一月辛丑漢遣使者來是冬駐蹕奉聖州免南京今歲租

四年春正月己丑華格札幹等伏誅釋完及雅斯哈是
月周主威殂養子晉王柴榮嗣立二月丙午朔周攻漢
命政事令耶律達魯援之丙辰漢遣使進茶藥如南京
夏五月乙亥忻代二州叛于漢遣南院大王塔拉助達
魯討之丁酉塔拉敗周將符彥卿於忻口秋七月乙酉
歸漢民被掠者九月丙申漢為周人所侵遣使來告冬
十一月彰國軍節度使蕭迪里太保許從贇奏忻代二
州捷十二月庚午漢遣使來貢是冬駐蹕杏峒

五年春二月庚申漢遣使請上尊號不許壬戌如裏潭
夏四月己酉周侵漢漢遣使求援癸丑命郎君蕭哈里
世為北府宰相秋九月庚辰漢主有疾遣使來告冬十
月庚寅南唐遣使來貢十一月乙未漢王崇殂子承鈞
遣使來告且求嗣立遣使弔祭遂封冊之十二月辛巳
漢遣使來議軍事

六年夏六月甲子漢遣使來議軍事秋七月不視朝是
歲南唐為周所侵遣使浮海來求援留其使者不遣

七年春二月辛酉南唐遣使奉蠟丸書辛未駐蹕潢河
夏四月戊午朔還上京辛巳殺女巫錫庫初錫庫上延
年藥方用男子膽和之不數年殺人無數至是覺其妄
射殺之五月辛卯漢遣使來貢六月丙辰周南唐各遣
使者來八月己未周使者來是秋不聽政冬十月庚申
獵於七鷹山十二月辛巳還上京

八年春二月乙丑駐蹕潢河夏四月甲寅南京留守蕭
思溫攻下沿邊州縣遣人勞之五月周陷東城縣秋七

月獵于伊刺山迄于九月射鹿諸山不視朝冬十一月
辛酉漢以周人來侵遣使告急乙丑使再至十二月庚
辰又至

九年春正月戊辰駐蹕潢河夏四月丙戌周人來侵戊
戌以蕭思溫為兵馬都總管擊之是月周拔益津瓦橋
淤口三關五月乙巳朔陷瀛莫二州癸亥如南京辛未
周兵退獵于鹿場南林六月戊寅復容城縣庚辰西幸
如懷州獵于白鷹山是月周主榮殂子宗訓立秋七月

發南京軍戍范陽射鹿于鳳皇門九月遣使如南唐冬
十二月戊寅還上京庚辰王子迪里前宣徽使哈斯及
蕭達爾罕等謀反事覺繫之辛巳祀天地祖考告逆黨
事敗丙申召羣臣議時政

十年春正月周殿前都點檢趙匡胤廢周自立建國號

宋夏五月壬子漢以潞州歸附來告六月庚申漢以宋

兵圍石州

宋史作澤州下同

來告遣大同軍節度使阿拉及蕭

思溫率兵援之秋七月己亥宋陷石州漢以潞州復叛

遣使來告辛酉政事令耶律壽遠太保綽卜鄂博等謀
反伏誅以酒脯祀天地于黑山八月如秋山幸懷州庚
午以鎮茵石狻猊擊殺近侍古格冬十月丙子魯呼子
喜隱謀反辭連魯呼下獄死十一月哈斯獄中上書陳
便宜

十一年春二月丙寅釋喜隱辛亥司徒烏埒濟子特爾
格誣告其父謀反杖而釋之丙辰蕭思溫奏老人星見
乞行赦宥閏月甲子如潢河夏四月射鹿不視朝五月

乙亥司天王白李正等進曆六月甲午赦

十二年春正月甲戌夜觀燈二月己丑以御史大夫蕭和斯為北院樞密使夏五月庚午以旱命左右以水相沃禱雨六月甲午祠木葉山及潢河秋如黑山赤山射鹿

十三年春正月自丁巳晝夜酣飲者九日癸酉殺獸人哈里二月庚寅漢遣使來告巡邊乞張聲援壬辰如潢河三月癸丑朔殺鹿人默爾奇梟其首以示掌鹿者夏

四月壬寅獵于潢河六月癸未杖殺近侍誤傷獐者甲申殺獐人哈瑪爾壬辰詔諸路錄囚秋七月辛亥朔漢以宋難來告八月甲申以生日縱五坊鷹鷂戊戌幸近山呼鹿射之九月庚戌朔以青牛白馬祭天地飲于野次終夕乃罷辛亥以酒脯祭天地復終夜酣飲冬十月丙申漢以宋難來告十一月庚午獵飲于虞人家凡四日十二月戊子射野鹿賜虞人物有差庚寅殺羸人和卓

十四年春正月戊寅朔奉安神燾戊戌漢馳使告有宋
難二月壬子詔西南面招討使塔拉以兵援之癸亥如
潢河戊辰支解鹿人摩多哈喇等七人于野封土識其
地己巳如老林東濼壬申漢以敗宋兵來告夏四月丁
巳漢以擊退宋軍遣使來謝五月射鴟鵂鹿于白鷹山
至于沃旬六月丙午朔獵于玉山竟月秋七月壬辰以
酒脯祀黑山八月乙巳如磴子嶺射鹿戊申以生日值
天赦不受賀曲赦京師囚乙卯錄囚九月黃室韋叛冬

十月丙辰以掌鹿舒蘇代斡里為札薩克轄所隸死罪
以下得專之十一月壬午日南至宴飲達旦自是晝寢
夜飲殺近侍轄魯十二月丙午以黑兔祭神烏爾古叛
詳袞僧隱與戰敗績死之庫果濟敗黃室韋降其衆

十五年春正月己卯以樞密使伊勒希為行軍都統虎
軍詳袞齊蘇為行軍都監合諸部兵討烏爾古二月帝
東幸甲寅以獲鴨除鷹坊刺面腰斬之刑復其徭役是
月烏爾古殺其長蘇爾台以降已而復叛三月癸酉手

刺近侍棟爾丁丑大黃室韋伊聶濟叛癸未五坊人四十戶叛入烏爾古癸巳虞人色勒迪以偵鵝失期殺之夏四月乙巳小黃室韋叛伊勒希齊蘇等擊之為所敗乙卯以托里代伊勒希為都統農古為監軍率輕騎進討仍令塔瑪錫濟爾持詔招諭之五月伊勒希與戰于柴河不利甲申室韋長伊聶濟亡入迪里秋七月甲戌烏爾古至河德灤遣額爾奇木華喇伊勒希巴察實擊之丁丑烏爾古掠上京北榆林峪遣林牙蕭幹討之庚

辰伊勒希等與烏爾古戰不利冬十月丁未察實與烏爾古戰敗之十二月甲辰以近侍喜格私歸殺其妻丁未殺近侍蘇魯克駐蹕黑山平淀

十六年春正月丁卯朔被酒不受賀甲申微行市中賜酒家銀絹乙酉殺近侍白海等三月己巳東幸庚午獲鴨甲申獲鵝皆飲達旦五月甲申以歲旱泛舟于池禱雨復捨舟立于水中六月丙申賜白海家銀絹秋七月壬午諭有司凡行幸之所高立標識令民勿犯違者以

死論八月丁酉漢遣使貢金器鎧甲閏月乙丑觀野鹿
入馴鹿羣立馬飲至晡九月庚子以重九宴飲至壬子
乃罷己未殺狼人紐幹哩十月庚辰漢主有母喪遣使
賻弔十二月甲子幸酒人伯勒格家復幸殿前都點檢
耶律伊勒哈家宴飲連日賞賜無算左右多授官者戊
辰漢遣使來貢是冬駐蹕黑山平淀

十七年春正月庚寅朔林牙蕭幹耶律賢適討烏
爾古還授賢適右皮室詳袞乙卯伊勒希巴古格獻烏

爾古倬夏四月戊辰殺鷹人達魯丙子射柳祈雨復以
水沃羣臣五月辛卯殺鹿人扎喀壬辰北府宰相蕭哈
里薨六月己未支解堆人壽格寧古又殺鹿人四十四
人是夏駐蹕裏潭秋九月自丙戌朔獵于黑山赤山至
于月終冬十月乙丑殺酒人索紐十一月辛卯殺近侍
廷壽壬辰殺豕人額伯哩赫魯珠魯準訥呼庫壬寅殺
鹿人唐古直格薩刺十二月辛未手殺饗人哈里復鬻
之是冬駐蹕黑河平淀

十八年春正月乙酉朔宴于宮中不受賀己亥觀燈于市命羣臣亦市酒縱飲三夕二月乙卯幸五坊使錫沙哩家宴飲達旦如裏潭三月甲申如潢河乙酉獲駕鵝祭天地庚戌殺鷓人呼圖哩近侍華格及監囚哈里仍劉哈里之尸夏四月癸丑殺羆人察爾吉五月丁亥重五以被酒不受賀壬辰獲鵝于碩格水野飲終夜丁酉與政事令蕭巴雅爾南京留守高勳太師珠克劉承訓等酣飲連日夜己亥殺鹿人佛德埒克陶罕札卜庫舒

右寧察布默克特達勒等六月丙辰殺瘋人托諾己未

為殿前都點檢伊勒哈置神帳曲赦京畿囚是夏清暑

裏潭秋七月辛丑漢主承鈞殂子繼元立來告且乞師

遣使弔祭

按五代史宋史契丹國志承鈞殂繼元實嗣
六十日被弒弟繼元立遼史不書繼恩蓋漢

與遼使問久絕繼元始復結援
遣使告立史因據事書之也

九月戊子殺詳袞巴蘭

伊喇罕都等四人己丑登小山祭天地戊戌以宋欲襲

河東諭西南面都統南院大王特烈豫為之備甲辰以

伊勒哈兼政事令紐歡為近侍女真詳袞嘉們為本部

額爾奇木是秋獵于西京諸山冬十月辛亥宋圍太原
以塔拉為兵馬總管發諸道兵救之十一月癸卯冬至
被酒不受賀十二月丁丑殺酒人塔喇噶是冬駐蹕黑
山東川

十九年春正月己卯朔宴宮中不受賀己丑立春被酒
命殿前都點檢伊勒哈代行擊土牛禮甲午與羣臣為
葉格戲戊戌于醉中驟加左右官乙巳詔太尉華格醉
中處事有乖酒解可覆奏自立春飲至月終不聽政三

月甲寅漢劉繼元嗣立遣使乞封冊辛酉遣韓知範冊繼元為皇帝癸亥殺前導穆濟伊喇剌其屍甲子漢遣使進白鹿己巳如懷州獵獲熊歡飲方醉馳還行宮是夜近侍霄格盪人華格庖人錫衮等六人反帝崩年三十九謚曰孝安敬正皇帝廟號穆宗附葬懷陵

穆宗應歷十九年

其元年即世宗天祿五年

景宗皇帝諱賢字賢寧小字明辰世宗第二子也母曰懷節皇后蕭氏察克之變帝甫四歲穆宗即位養帝于

永興宮既長穆宗酖酒怠政帝一日與韓匡嗣語及時
事卽律賢適止之帝矍然悟不復言應歷十九年二月
己巳穆宗于懷州遇弒帝率飛龍使尼哩侍中蕭思溫
南院樞密使高勳以甲騎千人馳赴之黎明至行在羣
臣勸進遂卽皇帝位於樞前羣臣上尊號曰天贊皇帝
大赦改元保寧以殿前都點檢耶律伊勒哈右皮室詳
袞蕭烏埒濟宿衛不嚴斬之三月丙戌入上京以蕭思
溫為北院樞密使太平王雅斯哈亡入沙陀己丑伊勒

希巴諾木歡以陰附雅斯哈伏誅癸巳雅斯哈入朝甲
午以蕭思溫兼北府宰相己亥封高勳為秦王夏四月
戊申朔進封太平王雅斯哈為齊王改封趙王喜隱為
宋王封隆先為平王舒吳王道隱蜀王必舒越王迪里
冀王完衛王五月戊寅立妃蕭氏為皇后秋七月丙子
朔射柳祈雨壬寅漢遣使來賀冬十月如褒潭十一月
甲辰朔行柴冊禮祠木葉山駐蹕鶴谷乙巳蕭思溫封
魏王北院大王烏哲加裕悅

二年春正月丁未如潢河夏四月如東京致奠于讓國
皇帝及世宗廟五月癸丑西幸乙卯次盤道嶺盜殺北
院樞密使蕭思溫六月還上京秋七月以右皮室詳袞
賢適為北院樞密使九月辛丑得國舅蕭哈濟及哈里
殺蕭思溫狀皆伏誅冬十一月攻宋定州不克十二月
庚午漢遣使來貢

三年春正月甲寅右伊勒希巴希達獻德呼勒俘庚申
置登聞鼓院辛酉南京統軍使魏國公韓匡美封鄴王

二月癸酉東幸壬午遣多和使阿爾斯蘭回鶻己丑以青牛白馬祭天地三月丁未以飛龍使尼哩為契丹行宮都部署夏四月丁卯世宗妃卓琳及普格以行厭魅賜死己卯祠木葉山行再生禮丙戌至自東幸六月丙子漢遣使問起居自是繼月而至秋七月辛丑以賢適為西北路招討使八月甲戌如秋山獵于平地松林又獵于遼河之源九月乙巳以潛邸給使者為塔瑪部署官主之壬子如歸化州獵于呼圖哩巴山甲寅如南京

冬十月己巳以黑白羊祀神癸未漢遣使來貢是月駐蹕富瑚坂十一月庚子臚胸河裕悅揚尼哩等率其衆來附十二月癸酉以青牛白馬祭天地是冬駐蹕金川四年春二月癸亥漢以皇子生遣使來賀閏月戊申齊王雅斯哈覺是夏駐蹕冰井秋七月如雲州冬十月丁亥朔如南京十二月甲午詔內外官上封事

五年春正月甲子特哩袞休格伐党項破之漢遣使來貢庚午御五鳳樓觀燈二月壬辰越王必舒獻党項俘

戊申以青牛白馬祭天地辛亥如新城三月乙卯朔復
如新城追封皇后祖瑚穆哩為韓王贈伯瑚魯古兼政
事令寧古齊兼侍中夏五月癸亥烏哲莞辛未女真侵
邊殺都監達里塔伊喇鄂羅羅六月庚寅女真宰相及
額爾奇木來朝丙申漢遣人以宋事來告秋七月庚辰
以保大軍節度使耶律薩勒迪為中臺省左相是月駐
蹕燕子城冬十月丁酉如南京十一月辛亥朔始獲應
歷逆黨近侍霄格華格錫袞等誅之十二月戊戌漢將

改元遣使稟命是月如歸化州

六年春正月癸未如南京三月宋遣使約和以涿州刺史耶律昌珠加侍中與宋議和夏四月宋王喜隱坐謀反廢是月辛冰并秋七月丁未朔閤門使卓庫加檢校太尉兼御史大夫庚申獵于平地松林冬十月乙亥朔還上京十二月戊子以沙門昭敏為三京諸道僧尼都總管加兼侍中

七年春正月甲戌朔宋遣使來賀壬寅望祠木葉山如

扎蘭淀二月癸亥漢鴈門節度使劉繼文來朝丙寅以
青牛白馬祭天地三月壬午即律蘇色等獻党項俘夏
四月遣郎君舒蘇使宋己酉祠木葉山辛亥射柳祈雨
如頻布里淀清暑六月遣使冊漢主為大漢英武皇帝
秋七月黃龍府衛將燕頗殺都監張琚以叛遣敵史耶
律雅木丕勒討之九月敗燕頗於治河遣其弟安圖追
之燕頗走保烏舍城安圖乃還是秋至自頻蹕淀冬十
月釣魚土河

八年春正月癸酉宋遣使來聘二月如金瓶灤三月辛未遣使廉問四方鰥寡孤獨及貧乏失職者賑之夏六月以西南面招討使耶律色珍為北院大王秋七月丙寅寧王扎穆婁安扎伏誅札穆高勳等除名辛未宋使來賀天清節八月癸卯漢遣使者來丁未如秋山己酉漢以宋事來告是月女真侵貴德州東境九月辛未東京統軍使察喇詳袞古奏女真襲歸州五寨壬午漢以為宋所侵遣使求援命南府宰相耶律刷翼王迪里赴

之戎子漢以宋師壓境遣使來告冬十月辛丑漢以退
宋師來謝如長灤十一月丙子宋主匡胤殂其弟昞自
立遣使來告辛卯遣郎君旺祿塔瑪訥默庫等使宋弔
慰十二月壬寅遣蕭哲庫馬哲如宋賀即位丁未漢以
宋軍復至掠其軍儲來告且乞糧為助戊午詔南京復
禮部貢院

九年春正月如鹿場二月庚子宋遣使致其先帝遺物
甲寅以青牛白馬祭天地三月癸亥耶律剌迪里獻援

漢所獲宋俘戊辰以粟二十萬斛助漢夏四月遣使如
宋會葬五月庚午漢遣使來謝且以宋事來告六月丙
辰以宋王喜隱為西南面招討使秋七月甲子宋遣使
來聘壬申漢以宋侵來告丙子遣使以戰馬助漢八月
漢遣使進葡萄酒冬十月甲子郎律刷以党項降酋克
酬摩約來見丁卯以克酬為司徒摩約為太保如老翁
川乙酉漢復遣使以宋事來告十一月癸卯祠木葉山
乙巳遣太保塔喇噶等使宋乙卯漢復遣使以宋事來

告十二月戊辰獵于近郊以所獲祭天

十年春正月癸丑如長樂夏四月丁卯西幸五月癸卯
賜尼哩死誅高勳六月己未駐蹕泂柳湖秋九月癸未
平王隆先子辰格謀害其父車裂之是冬駐蹕金川

乾亨元年春正月乙酉遣塔瑪長壽使宋問興師伐漢
之故二月丁卯漢以宋兵壓境遣使乞援以南府宰相
耶律刷為都統翼王迪里為監軍赴之又命南院大王
色珍以所部從樞密副使穆濟督之三月辛巳蘇色遣

人以別部華格等降納之丙戌漢遣使謝撫諭軍民詔
北院大王希達伊實王薩哈勒等以兵戍燕己丑漢使
告宋兵入境詔左千牛衛大將軍韓侂侂大同軍節度使
耶律善布以本路兵援之丁酉耶律刷等與宋戰於白
馬嶺敗績冀王迪里及圖魯卜部節度使圖敏黃皮室
詳袞唐古皆死之夏四月辛亥漢以行軍事宜來奏盧
俊自代州馳狀告急五月己卯宋兵攻河東漢與戰不
利劉繼文盧俊來奔六月劉繼元降宋漢亡甲子封劉

繼文為彭城郡王盧俊同政事門下平章事宋人來侵
丁卯北院大王希達統軍使蕭托果伊實王薩哈勒擊
之戰于沙河敗績己巳宋人圍南京丁丑詔諭耶律刷
及希達托果等軍中事宜秋七月癸未刷等及宋兵戰
于高梁河大敗之八月如冰井乙丑耶律刷等獻宋俘
九月己卯以燕王韓匡嗣為都統南府宰相耶律刷為
監軍特哩袞休格南院大王色珍權奚王穆濟等各率
所部兵南伐仍命大同軍節度使善布領山西兵分道

以進冬十月乙丑韓匡嗣與宋兵戰於滿城敗績辛未
太保舒蘇與宋兵戰於火山敗之辛丑日南至大赦改
元十二月乙卯燕王韓匡嗣遣授晉昌軍節度使降封
秦王壬戌以蜀王道隱為南京留守徙封荆王是冬駐
蹕南京

二年春正月丙子封子隆緒為梁王隆慶恒王丁亥以
特哩袞休格為北院大王前樞密使賢適封西平郡王
二月戊辰如清河三月丁亥西南面招討副使耶律旺

祿太尉華格遣人獻党項俘是月如南京復西幸遣兵
攻雁門不利夏四月庚辰祈雨戊子清暑于燕子城六
月己亥喜隱復謀反囚于祖州秋七月戊午旺祿等獻
党項俘八月戊戌東幸冬十月辛未命巫祠天地及兵
神辛巳以將南伐祭旗鼓癸未次南京庚寅次固安以
青牛白馬祭天地己亥圍瓦橋關十一月庚子朔宋人
來襲圖魯卜部節度使蕭幹及四捷軍詳袞即律赫德
擊却之壬寅休格敗宋兵於瓦橋東再戰再敗之戊申

又敗之於水南追至莫州己酉復敗之丙辰班師乙丑
還次南京十二月庚午朔休格拜裕悅大饗軍士如富
瑚坂

三年春二月丙子東幸己丑復如南京三月以秦王韓
匡嗣為西南面招討使夏四月如羊城灤五月丙午上
京漢軍亂劫立喜德不克立其子留禮壽上京留守楚
實勒擒之秋七月甲子留禮壽伏誅八月獵于炭山冬
十月如富瑚坂十一月辛亥加楚實勒同政事門下平

章事是月以南院樞密使郭襲為武定軍節度使十二月以遼興軍節度使韓德讓為南院樞密使

四年春正月己亥如華林天柱夏四月自將南伐至滿城戰不利守太尉奚翰里死之五月班師清暑于燕子城秋七月壬辰賜喜隱死八月如西京九月庚子如雲州甲辰獵于尚和山帝不豫壬子次焦山帝崩年三十五謚曰孝成皇帝重熙二十一年加謚孝成康靖皇帝廟號景宗陵曰乾陵

景宗保寧十年其元年即穆宗應歷十九年乾亨四年凡十四

年



欽定續通志卷四十二

欽定四庫全書

史部

欽定續通志卷四十三
四

主事臣尹壯圖覆勘

總校官原任侍講臣王燕緒

欽定四庫全書

欽定續通志卷四十三

遼紀三

聖宗一

聖宗皇帝諱隆緒小字文殊努景宗長子也母曰睿智
皇后蕭氏乾亨二年封梁王四年九月壬子景宗崩癸
丑卽皇帝位於柩前時年十二皇后奉遺詔攝政冬十
月己未朔帝始臨朝辛酉羣臣上尊號曰昭聖皇帝尊

皇后為皇太后大赦以南院大王巴古濟總領山西諸
州事北院大王裕悅休格為南面行軍都統奚王和碩
魯副之同政事門下平章事蕭道寧領本部軍駐南京
乙丑如顯州十二月戊午命耶律蘇色討準布辛酉宋
使來議和詔以無書却之辛未南面招討使秦王韓匡
嗣薨

統和元年春正月乙丑以遺詔復封札穆為寧王戊辰
以威烏庫哩部節度使耶律烏克同政事門下平章事

甲戌荆王道隱薨丙子以休格為南京留守仍賜南面
行營總管印總邊事辛巳蘇色獻準布俘甲申黨項侵
邊西南面招討使韓德威擊破之乙酉詔蘇色與達罕
討黨項諸部二月戊子禁所在官吏軍民不得無故聚
衆私語及冒禁夜行違者坐之甲午葬景宗皇帝於乾
陵以近幸朗掌飲伶人塔魯為殉帝與皇太后因為書
附上大行丙申皇太后詣陵置奠命繪近臣於御容殿
辛丑南京統軍使耶律善補奏宋邊七十餘村來附詔

撫存之蘇色奏討黨項捷戊申以特哩袞華格為北院
大王吉琳為南府宰相辛亥幸聖山遂謁三陵三月己
未次獨山辛酉以大父帳太尉耶律赫勒訥為特哩袞
甲子駐蹕遼河之平淡辛巳以國舅同平章事蕭道寧
為遼興軍節度使仍賜號忠亮佐理功臣壬午以青牛
白馬祭天地夏四月丙戌朔如東京以樞密副使耶律
穆濟兼侍中為東京留守丙申南幸詔賜西南路招討
使達罕劔得專殺壬子如徽州以耶律慶朗為信州節

度使五月壬戌西南路招討請益兵討西突厥諸部詔
北王府耶律普努寧以達巴德呼勒二部兵赴之庚午
耶律善補招亡入宋者得千餘戶歸國辛未次永州丙
子以青牛白馬祭天地戊寅如木葉山六月乙酉朔党
項酋長執額爾竒木子烏延等內附丙戌還上京己丑
駙馬都尉盧俊與公主不協詔離之出俊為興國軍節
度使辛卯有事于太廟甲午帝率羣臣上皇太后尊號
曰承天皇帝太后羣臣上皇帝尊號曰天輔皇帝大赦改

元復國號曰大契丹

據契丹國志增輯

文武官各進爵丁未以

樞密副使耶律色珍守司徒秋七月甲寅朔皇太后聽

政乙卯帝親錄囚辛酉行再生禮丙子韓德威上党項

俘辛巳賞西南面有功將士八月戊子西巡癸巳帝與

皇太后如懷州己亥獵于赤山乙巳詔裕悅休格提點

元城壬子韓德威表請伐党項之復叛者詔許之九月

癸丑朔以東京平州旱蝗詔賑之丙辰以南京秋霖害

稼權停關征以通山西糴易壬戌還上京丙子如老翁

川冬十月癸巳蘇色秦德呼勒部及叛蕃來降乙未詔
每歲諸節度使貢獻如契丹宮例止進鞍馬丁酉以吳
王舒為上京留守行臨潢尹事帝將征高麗聞東京留
守耶律穆濟所總兵馬丙午命宣徽使兼侍中布琳林
牙克特等將兵東討十一月壬子朔觀漁于塔瑪濼癸
丑應州獲宋謀磔于市十二月壬午朔如顯州甲午東
幸己亥皇太后觀漁于玉盆灣辛丑觀漁于濬淵甲辰
敕諸刑辟已結正決遣而有寃者聽詣臺訴是夕燃萬

魚燈于雙溪

二年春正月甲子如長灤二月丙申東路行軍宣徽使
蕭布琳奏討女真捷庚子奉皇太后觀獵于饒樂川乙
巳賜五國威伊濟節度使耶律威烏克劔得便宜行事
丁未韓德威獻所襲河東俘三月獵于山榆旬夏四月
丁亥宣徽使同平章事耶律普寧都監蕭勒德獻征女
真捷授普寧兼政事令勒德神武衛大將軍庚寅皇太
后臨決滯獄壬辰以宣徽南院使劉承規為承德軍節

度使崇德宮都部署保義軍節度使張德筠為宣徽北
院使五月乙卯祠木葉山丁丑駐蹕沿柳湖六月己卯
朔皇太后決獄至月終秋七月癸丑皇太后行再生禮
八月辛卯女真珠卜奇薩里等八族舉衆內附是月如
鷲山獵于嶺右九月戊申朔駐蹕土河冬十月丁丑朔
以歸化州刺史耶律普寧為彰德軍節度使右武衛大
將軍韓倬為彰國軍節度使兼侍衛親軍兵馬都指揮
使十一月蘇色等討準布殺其酋長達爾罕十二月辛

丑以翰林學士承旨馬得臣為宣政殿學士耶律佛德為南京統軍使耶律瑤昇為大內特哩衮大仁靖為東京中臺省右平章事

三年春正月丙午如長樂丁巳以翰林學士邢抱朴為尚書禮部侍郎知制誥左拾遺知制誥劉景吏部郎中知制誥牛藏用並政事舍人二月丙子朔以牛藏用知樞密直學士三月乙巳朔免納喇威二部戶役夏四月乙亥朔祠木葉山壬午以鳳州刺史趙匡符為保靜軍

節度使癸未以左監門衛大將軍王庭勗為奉先軍節
度使彰武軍節度使韓德凝為崇義軍節度使五月壬
子還上京癸酉以國舅蕭道寧同平章事知潘州軍州
事六月甲戌如柏坡皇太后親決滯獄乙亥以歸義軍
節度使王希嚴為興國軍節度使秋七月甲辰朔以將
征高麗詔諸道繕兵甲寅東辛丙寅駐蹕土河丁卯遣
使閱東京諸軍兵器及東征道路以平章事蕭道寧為
昭德軍節度使武定軍節度使守司空魚政事令郭襲

為天平軍節度使大同軍節度使守太子太師兼政事
令劉延構為義成軍節度使八月癸酉以遼澤沮洳罷
征高麗命樞密使耶律色珍為都統駙馬都尉蕭恒德
為監軍以討女真丁丑次藁城庚辰至顯州辛巳如乾
州觀新宮甲申命南北面臣僚分巡山陵林木及令乾
顯二州上所部里社之數辛丑西幸閏九月癸酉命邢
抱朴勾檢顯陵丙子行次海上辛巳詔諭東征將帥乘
水洄進討丙申女真宰相哲伯埒來貢戊戌駐蹕東古

山冬十一月辛卯以韓德讓兼政事令癸巳禁行在市
易布帛不中尺度者

四年春正月甲戌觀漁于土河林牙耶律穆爾古彰德
軍節度使蕭達林上東征俘獲丙子樞密使耶律色珍
林牙勤德等上討女真所獲甲午如長灤二月壬寅以
四番都統軍李繼忠為檢校司徒上柱國癸卯西夏李
繼遷叛于宋來降以為定難軍節度使銀夏綏宥等州
觀察處置等使特進檢校太師都督夏州諸軍事西番

酋帥幹尼奇伊為保大軍節度使鄜坊等州觀察處置
等使丙寅行次紐幹哩井三月甲戌宋將曹彬崔彥進
米信由雄州道田重進由飛狐道潘美楊繼業由鴈門
道來侵岐溝涿州固安新城皆陷詔宣徽使布琳馳赴
燕南與休格議軍事分遣使者徵諸部兵益休格以擊
之復遣東京留守耶律穆濟以大軍繼進賜劔專殺乙
亥以親征告陵廟山川丙子統軍使耶律佛德敗宋師
于固安庚辰寰州刺史趙彥章以城叛附于宋辛巳宋

兵入涿州義順軍節度副使趙希贊以朔州叛附于宋
壬午詔林牙勤德以兵守平州之海岸癸未師及田重

進戰于飛狐不利冀州防禦使大鵬翼康州刺史馬顯

馬顯遼史作馬贊
茲據文獻通考改

馬軍指揮使何萬通死之丁亥以北

院樞密使耶律色珍為山西兵馬都統北院宣徽使布

琳為南征都統以副休格彰國軍節度使艾正以應州

叛附于宋辛卯武定軍馬步軍都指揮使邳州防禦使

呂行德等以飛狐叛附于宋癸巳賜林牙穆爾古旗

鼓及劔率禁軍驍銳以助休格丙申步軍都指揮使穆超以靈丘叛附于宋夏四月己亥朔次南京庚子特哩袞瑤昇西南面招討使韓德威以捷聞辛丑宋潘美陷雲州壬寅遣穆濟穆爾古勤德等領偏師助休格癸卯休格以捷聞詔勤德還軍詔侍中穆濟統諸軍赴行在所本布部節度使和勒敦黃皮室詳袞嘉哩等各上所獲兵甲又詔兩部突騎赴蔚州以助達林橫帳郎君老君努率諸郎君巡徼居庸之北將軍華格統平州兵馬

橫帳郎君努克為黃皮室都監郎君伊里為北府都監
各以步兵赴蔚州以助色珍庚戌以色珍為諸路兵馬
都統達林兵馬副部署托色都監以代善布韓德威癸
丑宋將曹彬米信北渡拒馬河乙卯休格等擊敗之蔚
州左右都押衙李存璋許彥欽等殺節度使蕭卓琳執
監城使銅州節度使耶律紹忠

耶律紹忠遼史作耿紹忠茲據太平治迹統類

改

以城叛附于宋丙辰復涿州告天地戊午帝次沙沽
河之北浞召林牙勤德議軍事己未休格布琳來朝辛

酉大軍次固安壬戌圍固安城破之五月庚午師及曹彬米信戰于岐溝關大敗之追至拒馬河癸酉師還次新城甲戌以軍捷遣使分諭諸路京鎮己卯次固安南以青牛白馬祭天地庚辰遣詳衮巴雅爾率兵赴應朔二州界與特哩衮瑤昇招討韓德威等禦宋兵在山西之未退者壬午還次南京癸未色珍奏復蔚州乘勝攻下靈丘飛狐丙戌御元和殿大宴從軍將校封休格為宋國王加布琳籌寧普努寧及諸有功將校爵賞有差

丁亥發南京詔休格備兵儲粟以待大舉南征戊子宋復圍蔚州色珍擊破之六月戊戌朔詔韓德威赴闕加統軍使佛德檢校太師甲辰詔休格遣礮手西助色珍甲寅色珍奏復寰州戊午如涼陞癸亥以節度使韓布格翰林學士邢抱朴等充雲州宣諭招撫使秋七月丙子色珍奏復朔州擒宋將楊繼業宋雲應諸州守將皆棄城遁辛巳以捷告天地八月己未復山西今歲租賦癸亥加色珍守太保九月甲戌次黑河丁丑次河陽北辛

已納皇后蕭氏丙戌次儒州以將南征遣皮室詳袞托
迪郎君伊喇先赴本軍繕甲兵己丑召北大王普努寧
赴行在所甲午皇太后行再生禮冬十月丁酉復行再
生禮為帝祭神祈福命新州節度使布克達哩選人分
道巡檢山西四州甲辰出居庸關庚戌分遣伊喇沿邊
偵候辛亥命皇族廬帳駐東京延芳淀壬子詔以敕勝
諭拒馬河南六州乙卯如南京戊午復南院部民今歲
租賦十一月庚午以政事令韓德讓守司徒壬申以古

北松亭榆關征稅不法遣使鞠之女真請以兵從征許
之癸酉御正殿大勞南征將校丙子南伐次狹底揭皇
太后親閱輜重兵甲丁丑以休格為先鋒都統辛巳詔
以北大王普努寧居奉聖州其山西五州公事與節度
使布克達哩共裁決之乙酉置諸部監勒所部各守營
伍丙戌遣穆爾古蕭繼遠沿邊巡徼丁亥以青牛白馬
祭天地壬辰至唐興縣時宋軍屯滹沱橋北選將射之
進焚其橋癸巳涉沙河卓特部節度使羅卜科都監耶

律昫與宋戰于秦州不利乙未以御蓋郎君革格權卓
特部節度使橫帳郎君佛哩為都監代羅卜科命彰德
軍節度使蕭達林將軍托色略地東路十二月己亥休
格敗宋師於望都壬寅營于滹沱北詔休格以騎軍絕
宋兵毋令入邢州命太師旺祿謹偵候甲辰詔南大王
與休格合勢進討宰相安寧及宋將劉廷讓李敬源戰
于莫州敗之乙巳擒宋將賀令圖楊重進等國舅詳袞
塔喇噶宮使蕭達哩死之丁未築京觀擊楊團城下之

詔禁侵掠己酉次神榆村詔上揚圍城粟麥兵甲之數
辛亥以黑白二牲祭天地癸丑拔馮母鎮丙辰邢州降
丁巳拔深州李繼遷款塞請婚許之

五年春正月乙丑破容城縣丁卯攻文安下之戊寅帝
還南京己卯大賚將士壬辰如華林天柱二月甲午至
自天柱三月癸亥朔如長春宮賞花釣魚丁丑以伊喇
嘉哩偵候有功命入御盞郎君班祇候夏四月癸巳朔
如南京丁酉帝率羣臣上皇太后尊號曰睿德神略應

運啟化承天皇太后羣臣上帝尊號曰至德廣孝昭聖
天輔皇帝戊戌詔有司條上勲舊等第加恩癸丑清暑
于冰井秋七月獵于平地松林九月丙戌如南京是冬
駐蹕南京

六年春正月庚申如華林天柱二月甲寅大同軍節度
使同平章政事劉京致仕三月癸未李繼遷遣使來貢
夏四月乙未如南京五月癸亥南府宰相耶律沙薨閏
月甲寅停威伊濟部歲貢貂鼠青鼠皮六月乙丑諭諸

道備南征攻城器具秋七月丙戌觀市己亥遣南面招
討韓德威討河湟諸蕃違命者己酉駐蹕洛河壬子加
韓德威開府儀同三司兼政事令門下平章事東京留
守兼侍中漆水郡王耶律穆濟為大同軍節度使癸丑
增置涿州驛傳丙辰以青牛白馬祭天地八月戊午休
格與巴雅爾紐勒琿敗宋兵于易州庚申如黎園溫湯
癸亥以將伐宋遣使祭木葉山丁丑西北路管押詳察
舒僧格以伐哲琳珠嚕二部上所俘獲以大同軍今歲

欽定四庫全書

欽定續通志

卷四十三

十三

霜旱乏食增價折粟以利貧民丁酉皇太后幸韓德讓
帳厚加賞賚九月戊戌如南京己亥有事于太宗廟以
唐元德為奉陵軍節度使癸卯南伐庚戌攻涿州破之
宋師退色珍巴雅爾等追擊大敗之冬十月戊午攻沙
堆驛破之己巳以黑白羊祭天地丙子籌寧奏破狼山
捷辛巳復奏敗宋師于益津關癸未進軍長城口宋定
州將李興以兵逆戰休格擊敗之十一月甲申詔諸軍
備攻具庚寅駐長城口督大軍四面進攻宋師潰帝與

德讓邀擊之大獲辛卯圍滿城甲午拔之戊戌攻下祁州己亥拔新樂庚子破小狼山砦丁未宋師出益津闕國舅郎君圖卜威詳袞實格擊走之十二月丙辰敗于沙河是月大軍駐宋境是歲詔開貢舉

七年春正月癸未朔班師戊子宋雞壁砦守將郭榮率衆來降詔屯南京庚寅次長城口壬辰李繼遷與兄繼捧有怨乞與通好帝知其非誠不許癸巳諭諸軍趣易州己亥禁部從伐民桑梓癸卯攻易州甲辰破之遷其

軍民于燕京乙巳如易州撫諭士庶丙午以青牛白馬
祭天地詔諭三京諸道辛亥還次南京六軍解嚴二月
壬子朔帝御元和殿受百官賀乙卯大饗軍士爵賞有
差樞密使韓德讓封楚國王駙馬都尉蕭寧遠同政事
門下平章事是日如長春宮甲子詔南征所俘有親屬
分隸諸帳者給官錢贖之使相從乙丑賞南征女真軍
使東還甲戌詔雲州租賦止輸本道三月壬午朔遣使
祭木葉山禁芻牧傷禾稼李繼遷遣使來貢丁亥詔易

州築京觀己丑免雲州逋賦丙申詔開竒峰路通易州
市戊戌以王子帳耶律襄之女封義成公主下嫁李繼
遷是春駐蹕延芳淀夏四月甲寅還京以御史大夫烏
爾古領伊實大王甲子諫議大夫馬得臣以帝好擊毬
上疏切諫帝嘉納之丁卯吐渾和珍回鶻安進吐蕃都
圖等自宋來歸丙子以錫里軍耶律杏為常袞己卯駐
蹕儒州龍泉庚辰遣宣徽使布琳等分道備宋以約尼
副使崆果囉為錫里伊喇詳袞五月辛卯獵于桑乾河

六月辛酉詔燕樂密雲二縣荒地許民耕種免賦役十年乙亥出諸畜賜邊部貧民是月休格巴雅爾破宋兵于秦州秋七月癸巳遣兵南征甲午以達勒巴納喇威三部各四人益東北路來人婆里德丁酉勞南征將士冬十一月甲寅釣魚于沈子灤癸亥獵于好草嶺

八年春正月辛巳如臺湖庚寅詔決滯獄庚子如沈子灤三月丁丑李繼遷遣使來貢乙酉城杏堦以宋俘寶之是月如盤山獵于西科綽山夏四月庚午以歲旱諸

部艱食賑之五月戊子以宋降卒分隸諸軍丙申清暑
呼圖哩巴山詔括民田六月丙午以北面林牙穆爾古
為北院大王秋八月乙卯以黑白羊祭天地九月乙亥
北女真四部請內附壬辰李繼遷獻宋俘冬十月丙午
以敗宋師復遣使來告是月駐蹕大玉州十一月庚寅
以吐谷渾民饑賑之十二月癸卯李繼遷遣使者來庚
戌遣使封李繼遷為夏國王

九年春正月庚辰如臺湖乙酉樞密使監修國史室昉

等進實錄辛卯免三京諸道租賦仍罷括田二月丙午
夏國遣使告伐宋掇丁未以涿州刺史耶律旺祿為特
哩袞閏月壬申遣翰林承旨邢抱朴等分決諸道滯獄
三月庚子朔賑室韋烏爾古諸部戊申復遣庫部員外
郎馬守琪等分決諸道滯獄甲子如南京夏四月乙亥
夏國王李繼遷遣使來謝封冊丙戌清暑于炭山秋七
月癸卯通括戶口乙巳詔諸道舉才行察貪酷撫高年
禁奢僭有歿於王事者官其子孫己未夏國以復緩銀

二州遣使來告是月獵于盤道嶺及炭山九月己酉駐蹕廟城冬十月壬申夏國遣使來上宋所授敕命丁丑定難軍節度使李繼捧來附授推忠効順啟聖定難功臣開府儀同三司檢校太師兼侍中封西平王十一月己亥以青牛白馬祭天地十二月夏國王李繼遷潛附于宋遣招討使韓德威持詔諭之

十年春正月丙午如臺湖二月壬午免雲州今歲租賦辛卯給復雲州流民三月丙辰如炭山夏五月癸巳復

朔州流民三年八月癸亥觀稼仍遣使分閱苗稼九月
癸卯如五臺山金河寺冬十月壬申夏國來貢十二月
庚辰獵于儒州東川拜天是月以東京留守蕭恒德等
伐高麗

十一年春正月如延芳淀三月丙午出內帑錢賜南京
統軍司軍高麗王治奉表請罪詔取女真鴨綠江東數
百里地賜之夏四月如炭山清暑秋八月如秋山冬十
月甲申朔駐蹕富瑚坂

十二年春正月甲寅以同政事門下平章事耶律實埒
為特哩袞詔復行在五十里內租乙卯如延芳淀戊午
蠲宜州賦調庚申郎君耶律必舒等謀叛伏誅壬戌以
南院大王耶律景為上京留守封漆水郡王二月甲申
免南京被水戶租賦甲午免諸部歲輸羊及關征三月
戊午如南京丙寅遣使撫諭高麗壬申如長春宮夏四
月辛卯如南京五月戊午如炭山清暑六月庚子錄囚
秋七月甲寅遣使視諸道禾稼辛酉以南院樞密使室

昉為中京留守加尚父戊辰觀獲庚午詔契丹人犯十
惡者依漢律已卯以翰林承旨邢抱朴參知政事八月
庚辰朔皇太妃領西北路烏爾古等部兵及永興宮分
軍撫定西邊以蕭達林督其軍事乙酉宋遣使約和不
許戊子以國舅帳尅蕭圖格為伊勒希巴丁酉錄囚雜
犯死罪以下釋之是月獵于東山九月辛酉宋復遣使
約和不許壬戌行拜輿禮冬十月乙酉獵汗州之西山
乙巳詔定均税法十一月戊申朔行再生禮詔諸部所

俘宋人有官吏儒生抱器能者諸道軍勇健者具以名聞庚戌詔郡邑貢明經茂材異等甲寅詔南京決滯獄十二月甲申賜南京統軍司貧戶耕牛戊子高麗進妓樂却之癸巳女真以宋人浮海致賂及烏色叛來告丁未如南京獵于順州西甸

十三年春正月壬子如延芳浚丁巳增泰州遂城等縣賦庚申詔諸道勸農庚午如長春宮是月政府州戰于子汭河不利三月癸丑夏國來貢夏四月己卯邢抱朴

以母憂去官起復丙戌詔諸道民戶應歷以來脅從為部曲者仍籍州縣甲午如炭山清暑是月攻雄州不克六月丁丑詔減前歲括田租賦丙戌詔許昌平懷柔等縣人墾業荒地秋七月丁巳烏色烏哲圖渤海雅木丕勒等侵鐵驪遣奚王和碩魯等討之八月丙子夏國遣使進馬九月戊午賜南京太學水碓莊一區是月如大玉川冬十月乙亥置義倉戊子烏色歸款十一月辛酉遣使冊王治為高麗國王戊辰高麗遣童子十人來學

本國語十二月辛巳夏國以敗宋人來告

十四年春正月巳酉漁于潞河丁巳蠲三京及諸州賦
丙寅夏國來貢三月壬寅高麗王治表乞為婚許之庚
戌高麗復遣童子十人來學本國語甲寅韓德威奏討
党項捷甲子詔安集朔州流民夏四月庚寅如炭山清
暑巳亥鑿大安山取劉守光所藏錢是月削奚王和碩
鶻東京留守蕭恒德等五人官五月癸卯遣邢抱朴決
南京滯獄六月辛未如炭山清暑冬十月戊午烏哲圖

乞內附十一月甲戌詔諸軍官毋非時畋獵妨農十二月甲寅減南京道新定稅法如南京

十五年春正月庚午如延芳淀丙子以河西党項叛詔韓德威討之庚辰詔諸道勸民種樹癸未烏色長武周來降己丑詔南京決滯囚乙未免流民稅二月丙申朔如長春宮戊戌勸丕勒部富民出錢以贍貧民丙午夏國來貢丙辰韓德威奏破党項掠丁巳詔民耕種丕勒部曠地三月戊辰募民耕灤州荒地免其租賦十年己

已夏國以破宋師來告已卯封夏國王李繼遷為西平
王壬午免南京逋稅及義倉粟甲申河西党項乞內附
癸巳宋主炁殂子恒嗣位甲午皇太妃獻西邊捷夏四
月乙未罷奚王部歲貢虜戍戍錄囚壬寅發義倉粟賑
南京諸縣已酉如南京己未如炭山清暑五月己巳詔
平州決滯獄是月德呼勒八部殺詳袞以叛蕭達林追
擊之六月壬子夏國遣使來謝封冊秋七月辛未禁吐
谷渾別部鬻馬於宋辛卯詔南京疾決獄訟八月丁酉

獵于平地松林九月丙寅罷東邊戍卒戊子蕭達林奏
討準布掠冬十月壬辰朔駐蹕馳山罷奚王諸部貢物
戊戌弛東京道魚灤之禁辛酉錄囚十一月壬戌朔錄
囚丙戌如顯州是月高麗王治薨十二月乙巳釣魚于
土河己酉駐蹕馳山壬子夏國來貢甲寅遣使祭高麗
王治詔其姪權知國事丙辰錄囚

欽定續通志卷四十三

欽定四庫全書

欽定續通志卷四十四

遼紀四

聖宗

統和十六年春正月乙丑如長瀋二月庚子夏國來貢
丙午以監門衛上將軍耶律實埒為中臺省左相夏四
月癸卯振崇德宮所隸被水州縣丁未罷民輸官俸已
酉祈雨乙卯如木葉山五月丁卯祠木葉山告來歲南

伐乙酉還上京六月清暑於炭山秋七月丁巳朔錄囚
八月丁亥朔東幸九月丁巳朔駐蹕得勝口冬十一月遣
使冊高麗國王誦十二月丙戌宋王休格薨進封弟恒
王隆慶為梁王南京留守鄭王隆祐為吳王

十七年春正月乙卯朔如長春宮夏四月如炭山清暑
秋七月以伐宋詔諭諸道九月庚辰朔如南京己亥南
伐北院樞密使魏王耶律色珍薨以韓德讓兼知北院樞
密使事冬十月癸酉攻遂城不克遣蕭繼遠攻狼山鎮

石砮破之次瀛州與宋師戰擒其將康昭裔宋順

按康昭裔

宋史通鑑俱作康保裔實戰死優詔贈恤錄其子孫遼史謂被擒嗣且以為昭順節度使恐非一人宋史契丹國志俱載於明年則更誤矣 進攻樂壽拔之復與宋師戰於遂城敗

之

十八年春正月還次南京詔諸軍各還本道二月如延

芳淀夏四月己未駐蹕清泉淀五月丁酉清暑於炭山

六月準布叛酋呼紐降詔誅之秋七月駐蹕湯泉九月

乙亥朔駐蹕黑河冬十一月甲戌朔授李繼遷子德昭

朔方軍節度使

十九年春正月辛巳以祗候郎君班詳袞觀音為霞魯
部大王二月獵於崖頭川三月乙亥夏國來貢乙酉西
南面招討司奏党項捷壬辰皇后蕭氏以罪降為貴妃
夏五月癸酉清暑於炭山丙戌冊蕭氏為齊天皇后庚
寅以伊喇詳袞耶律仁努為伊實大王辛卯以青牛白
馬祭天地六月乙巳以宋將康昭裔為昭順軍節度使
戊午夏國奏下宋恒懷慶三州秋七月丙戌以東京統

軍使耶律諾觀為南府宰相九月戊子駐蹕昌平庚寅
西南面招討司奏討吐谷渾捷辛卯如南京冬十月己
亥南伐壬寅次鹽溝吳王隆祐徙封楚王留守京師壬
子以青牛白馬祭天地甲寅及宋師戰於遂城敗之
按宋史書
遂城之戰謂敗在契丹
蓋兩國各諱其敗也 庚申以黑白羊祭天地丙寅次
滿城以泥淖班師十一月丙子宋兵出淤口益津關來
侵偵候瑪虞人珠克擊敗之己卯觀漁于儒門灤閏月
己未減關市稅十二月庚辰免南京平州租稅

二十年春正月庚子如延芳淀詔安撫西南面向化諸部甲寅夏國來貢二月丁丑女真遣其子來朝三月甲寅遣北府宰相蕭繼遠等南伐壬戌駐蹕鴛鴦灤夏四月丙寅文班太保達里塔敗宋師梁門甲戌南京統軍使蕭達林破宋師於泰州五月乙卯如炭山清暑六月夏國遣使來告下靈州秋七月丁酉以邢抱朴為南院樞密使辛丑高麗遣使來貢本國地里圖八月獵於平地松林冬十二月奚王府五帳六節度獻七金山土河

川地

二十一年春正月如鴛鴦灤三月壬辰詔修日厯官母
書細事夏四月耶律諾觀蕭達林獲宋將王繼忠于望
都五月庚寅朔清暑于炭山丁巳西平王李繼遷薨其
子德昭遣使來告六月己卯遣西上閣門使丁振如夏
弔慰乙酉準布特爾里克率諸部來降秋七月甲寅以
奚王府監軍耶律舒嚕為南院大王九月己亥夏國李
德昭遣使來謝癸丑如女河湯泉冬十月丁巳駐蹕七

渡河戊辰以楚王隆祐為西南面招討使十一月壬辰
故裕悅耶律休格之子道士努果濟等謀叛伏誅丙申
通括南院部民十二月癸未罷三京諸道貢

二十二年春正月丁亥如鴛鴦灤二月丙寅南院樞密
使邢抱朴薨三月己丑罷番部賀千齡節及冬至重五
貢夏五月清暑于炭山秋七月甲申遣使封夏國李德
昭為西平王八月丙子駐蹕犬牙山九月己丑以南伐
諭高麗丙午如南京丁未致祭于太宗廟以北院大王

穆爾古太尉老君努監北南王府兵庚戌以楚王隆祐

留守京師閏月己未南伐癸亥次固安甲子以青牛白

馬祭天地丙寅及宋師戰于唐興大敗之丁卯蕭達林

及宋師戰于遂城又敗之

按宋史是年閏九月契丹攻順安軍北平砦保州定州又

圍岢嵐軍皆不利輒引去寇準所謂狙我也契丹國志續通鑑並同據遼史則所向皆捷恐兩國各諱其敗也

庚午軍于望都冬十月乙酉以黑白羊祭天地丙戌攻

瀛州不克甲午下祁州以酒脯祭天地己酉西平王李

德昭遣使謝封冊十一月癸亥軍馬都指揮使耶律科

里擊宋師于洺州敗之甲子東京留守蕭巴雅爾獲宋
魏府官吏田逢吉等以獻庚午攻德清軍破之壬申次
澶淵蕭達林出按地以中傷死乙亥破通利軍丁丑宋
崇儀副使曹利用來約和遣飛龍使韓杞持書報之十
二月癸未宋復遣曹利用來以監門衛大將軍姚東之
報之戊子宋使李繼昌來約和願歲輸銀十萬兩絹二
十萬匹許之即遣閤門使丁振持書報聘己丑諸軍解
嚴是月班師賜大丞相齊王韓德昌姓耶律徙王晉

八年賜
名隆運

二十三年春正月戊午還次南京庚申大饗將卒爵賞
有差二月丙戌復置榷場於振武軍丁巳夏國遣使來
告下宋青城辛酉以特哩袞華格為南院大王行軍都
監老君努為特哩袞乙丑振党項部夏四月己亥党項
來侵五月戊申朔宋遣使來賀皇太后生辰乙卯以金
帛賜陣亡將士家丙寅高麗以與宋和遣使來賀六月
壬辰清暑于炭山秋七月辛酉以青牛白馬祭天地九

月甲戌遣太尉阿里太傅揚魯賀宋主生辰冬十月甲午駐蹕七渡河癸卯宋使以歲幣始至十一月戊申帝遣太保和卓頒給使韓簡太后遣太師博諾政事舍人

高正使宋賀正旦辛亥觀漁于桑乾河

按遊幸表是年紀獵凡十一而

二十四年以後至二十七年皆缺恐有脫誤未足傳信茲不採桑乾河其十一之一也

丁巳詔大

丞相耶律德昌出宮籍屬于橫帳十二月丙申宋遣使來賀正旦

來賀于齡節丁酉復遣使來賀正旦
二十四年春正月如鴛鴦灤夏五月壬寅朔如炭山清

暑幽皇太妃固寧于懷州囚夫人伊蘭于南京餘黨皆
生瘞之秋七月辛丑朔南幸九月如南京冬十月庚午
朔帝率羣臣上皇太后尊號曰睿德神畧應運啟化承
天皇太后羣臣上皇帝尊號曰至德廣孝昭聖天輔皇
帝大赦

二十五年春正月建中京二月如鴛鴦灤夏四月清暑
于炭山六月皇太妃固寧賜死于幽所秋九月西北路
招討使蕭托雲討準布破之冬十月丙申駐蹕中京十

二月己酉賑饒州饑民

二十六年春二月如長灤夏四月辛卯朔祠木葉山五月庚申朔還上京辛未駐蹕懷州秋七月增太祖太宗讓國皇帝世宗諡仍諡皇太弟魯呼曰欽順皇帝冬十月戊子朔如中京十二月蕭托雲奏討甘州回鶻降其王伊囉勒

二十七年春正月釣魚于土河獵于瑞鹿原夏四月丙戌朔駐蹕中京營建宮室秋八月甲申北幸冬十一月壬子

朔行柴冊禮十二月乙酉南幸戊子肆赦辛卯皇太后崩于行宮壬辰遣使報哀于宋夏高麗戊申如中京

二十八年春正月辛亥朔不受賀二月丙戌宋遣使來弔祭是月遣左龍虎衛上將軍蕭和卓饋大行皇太后遺物于宋仍遣臨海軍節度使蕭實喇左領軍衛上將軍張崇濟謝宋弔祭三月宋高麗遣使來會葬夏五月己卯朔如中京辛卯清暑于七金山乙巳西北路招討使蕭托雲奏伐甘州回鶻攻破肅州丙午高麗西京留守

康肇弒其主誦立誦從兄詢詔諸道繕兵東征秋八月
戊申賑平州饑民辛亥如中京丁卯自將伐高麗遣使
報宋以楚王隆祐留守京師北府宰相駙馬都尉蕭巴
雅爾為都統北面林牙索諾木為都監九月乙酉遣使
冊西平王李德昭為夏國王辛卯遣樞密直學士高正
引進使韓杞宣問高麗王詢冬十月丙午朔女真進馬
萬匹乞從征高麗許之高麗奉表乞罷師不許十一月
乙酉大軍渡鴨綠江康肇拒戰敗之退保銅州丙戌右

皮室詳袞耶律達魯與肇戰擒之及其副將李立戊子
銅霍貴寧等州皆降辛卯王詢遣使上表請朝許之以
政事舍人馬保佑為開京留守安州團練使旺布為副
留守遣伊林將兵一千送之壬辰開京守將卓思正殺
遼使者韓喜孫等領兵出拒保佑等還伊林遂以兵擊
之思正敗奔西京圍之五日駐蹕城西高麗禮部郎中
渤海托實來降庚子遣巴雅爾博諾等攻開京遇高麗
兵敗之王詢棄城遁去遂焚開京

二十九年春正月乙亥朔班師所降諸城復叛己丑次
鴨綠江己亥次東京三月己卯大丞相晉王耶律隆運
薨庚辰以楚王隆祐權知北院樞密使事樞密直學士
高正為北院樞密副使庚寅南京平州水賑之己亥以
北院大王耶律舒嚕為北院樞密使封韓王北院即君
耶律世良為北院大王前三司使劉慎行參知政事兼
知南院樞密使事夏四月清暑于隆科塢五月乙未以
劉慎行為南院樞密使南府宰相邢抱質知南院樞密

使事六月乙卯韓王耶律舒嚕薨丙辰以南院大王華格為北院樞密使丁巳詔西北路招討使駙馬都尉蕭托雲安撫西鄙置準布諸部節度使是秋獵于平地松林冬十月庚子駐蹕廣平淀十一月庚午朔如顯州十二月庚子復如廣平淀

開泰元年春正月己巳朔宋遣使來賀甲申駐蹕王子院丙戌望祠木葉山戊子獵于瑪哈拉林庚寅祠木葉山二月壬子駐蹕瑞鹿原三月乙亥如葦灤丁亥楚王

隆祐徙封齊留守東京夏四月庚子高麗遣使乞稱臣如舊詔王詢親朝壬寅夏國遣使進馬辛酉以前孟父房詳袞蕭佛努為左伊勒希巴五月戊辰朔還上京乙亥以邢抱質為大同軍節度使六月駐蹕上京秋七月丙子以耶律遂貞為遼興軍節度使遂正北院宣徽使張昭瑩南院宣徽使耶律受益上京副留守寇卿彰德軍節度使命耶律釋紳努李操充賀宋生辰國信使副蕭尼古齊奉賀宋正旦使副八月己未高麗王詢奉表稱

病不能朝詔復取六州地是月齊王隆祐薨冬十月辛亥如中京十一月甲午朔羣臣上尊號曰弘文宣武尊道至德崇仁廣孝聰睿昭聖神贊天輔皇帝大赦改元覃恩中外癸卯前遼州錄事張庭美六世同居儀坤州劉興胤四世同居各給復三年甲辰七部太師阿勒達殺本部節度使巴罕以叛準布執阿勒達以獻十二月丙寅奉遷南京諸帝石像于中京觀德殿景宗及宣獻皇后于上京五鸞殿壬申賑奉聖州饑民庚辰賜秦晉

王隆慶鐵券甲申詔諸道饑民質男女者日計傭錢折價盡還之歸州言居民未習文字請設學許之始征貴德龍化儀坤雙遼同祖七州商

二年春正月癸巳朔邢抱質加開府儀同三司守司空兼侍中王繼忠中京留守駙馬蕭紹宗加檢校太師耶律琨加政事令封幽王丁未如瑞鹿原封北院樞密使耶律華格為幽王己未錄囚烏爾古德呼勒叛石皮室詳袞延壽討之二月壬午遣北院樞密副使高正按諸道獄是

月獵于阿里濼夏四月丙子如緬山五月辛卯朔命華格等西討六月辛酉朔遣中丞耶律資忠使高麗取六州舊地秋七月命諸軍市馬丁酉以特哩袞耶律迪里為南府宰相太尉武格為特哩袞癸卯釣魚于曲溝戊申以敦睦宮子錢賑貧民己酉華格等破準布酋長烏巴之衆封皇子宗訓為大內特哩袞八月壬戌遣引進使李延弘賜夏國王李德昭及義成公主車馬冬十月己未朔畋于廡井之北命耶律阿延等使宋賀生辰辛

酉駐蹕長灤十一月甲午錄囚癸丑削樞密使幽王華格
官封出為大同軍節度使十二月甲子以北院大王耶
律世良為北院樞密使封岐王牛嶙為彰國軍節度使
蕭孝穆為西北路招討使

三年春正月己丑錄囚乙未如渾河丙午畋于潢河濱
壬子帝及皇后獵于瑞鹿原二月戊午詔增樞密使以
下月俸甲子遣上京副留守耶律資忠復使高鹿取六
州舊地夏四月戊午詔南京管內毋淹刑獄以妨農務

癸亥烏爾古叛丙子以西北路招討都監蕭孝穆為北
府宰相五月乙酉朔清暑于緬山六月乙亥合巴哩伊

實二國舅為一帳以伊實伊勒希巴蕭迪里為詳袞以
總之甲申封呼圖克為廣平郡王是夏詔國舅詳袞蕭

迪里東京留守耶律托實等討高麗

按續通鑑是年迪里東伐高麗與女

貞設奇邀擊契丹大敗而還史不書諱之也秋七月乙酉朔如平地松林八

月甲寅朔如沙嶺九月丁酉八部德呼勒殺其詳袞刷
以叛詔南府宰相耶律烏拉噶招撫之壬子耶律世良

遣使獻德呼勒俘冬十月甲寅朔如中京丙子以旗鼓
伊喇詳袞特哩袞為奚六部大王

四年春正月乙酉如瑞鹿原丙戌詔耶律世良再伐達
里塔丁酉獵于馬蘭淀壬寅東征二月壬子朔如薩堤
灤夏四月癸丑以林牙建福為北院大王丙寅哈斯罕
部請括女真王蘇札納戶舊無籍者賦役從之樞密使
貫寧大破八部達里塔耶律世良等上破準布俘戊辰
駐蹕沿柳湖壬申耶律世良討烏爾古破之復進討達

里塔至清泥塌值伊濟之衆以內徙遂叛世良勒兵渡
哈喇河進擊之其將縑果遁去獲其餘衆併遷達里塔
所獲實默里部民城臚胸河上以居之五月辛巳命北

府宰相劉晟為都統

劉晟高麗傳
作劉慎行

樞密使耶律世良為

副殿前都點檢蕭庫哩為都監以伐高麗晟以致緩師
期追還仍命世良庫哩總兵進討以耶律德政為遼興
軍節度使蕭年古哩天城軍節度使六月庚戌以上京
留守耶律巴格為北院樞密副使秋七月如秋山自八

月射鹿至于九月復自癸丑至于辛酉連獵于有柏碎
石太保響應松山諸山丙子以旗鼓伊喇詳袞特哩袞
為六部奚王冬十月駐蹕塔喇噶灤十一月唐申詔汰
東京僧命上京中京洎諸宮選精兵以備東征十二月
南巡海徼還如顯州

五年春正月丁未北幸庚戌耶律世良蕭庫哩與高麗
戰于郭州西破之乙卯師次南海軍耶律世良薨于軍
癸酉駐蹕雪林二月辛巳如薩堤灤庚寅以前東京統

軍使耶律哈瑠為右伊勒希巴三月辛酉諸道奏獄空
詔進階賜物丙寅以前北院大王耶律敬溫為額珍尼
果齊哈辛未党項庫克來降夏四月乙亥振招州民戊
寅以左伊勒希巴蕭和卓為北院樞密使赫勒訥為副
使庚辰清暑于孤樹淀五月甲子削尚書蕭姬隱官丁
卯以耿元吉為戶部使六月遣政事舍人吳克昌按霸州
刑獄秋七月甲辰獵于赤山八月丙子如懷州有事于
諸陵戊寅還上京九月癸卯獵于松山乙丑駐蹕杏堦

冬十月甲午封秦晉王隆慶長子察克中山郡王次子蘇克樂安郡王十一月丁巳以北面林牙蕭威烏克為國舅詳袞十二月乙酉秦晉王隆慶薨丁酉宋遣使來賀千齡節

六年春正月癸卯如錐子河二月丁丑詔國舅帳詳袞蕭威烏克將本部兵東征高麗其國舅司事以都監攝之庚辰以南面林牙聶赫為南院大王三月乙巳如顯州夏四月辛卯封隆慶少子謝嘉努為長沙郡王以樞密使

漆水郡王耶律制心權知諸行宮都部署事壬辰禁命
婦再醮丙申如涼陁五月戊戌朔以樞密使蕭和卓為
都統漢人行宮都部署王繼忠為副殿前都點檢蕭庫
哩為都監以伐高麗翌日賜和卓劔得專殺丙午錄囚
甲寅以南京統軍使蕭惠為右伊勒希巴乙卯祠木葉
如潢河乙丑駐蹕九層臺六月戊辰朔賜德妃蕭氏死
秋七月辛亥如秋山遣禮部尚書劉京等分路按察刑
獄九月庚子還上京以皇子舒蘇生大赦丁未以駙馬

蕭璉節度使華格知制誥仇正已楊佶充賀宋生辰正旦使副乙卯蕭和卓等攻高麗興化軍不克而還冬十月丁卯以南京路饑輓雲應朔弘等州粟賑之辛未獵于鐔子河庚寅駐蹕達哩山十二月丁卯帝輕騎還上京戊子宋遣使來賀千齡節翌日又使來賀正旦

七年春正月甲辰如達哩山二月乙丑朔如渾河三月辛丑定東北伊埒圖博哩鄂羅木富珠哩鐵驪等五部歲貢丙午烏爾古部節度使蕭布達討迪里滅之是

月如三樹灤夏四月丙寅賑川饒二州饑辛未賑中京
貧乏癸酉禁匿名書壬辰以三司使呂德懋為樞密副
使閏月壬子以蕭進忠為彰武軍節度使兼五州制置
五月丙寅封子宗真為梁王宗元永清軍節度使宗簡
右衛大將軍宗愿左驍衛大將軍宗偉右衛大將軍姪
宗範昭義軍節度使宗熙鎮國軍節度使宗亮絳州節
度使宗弼濮州觀察使宗奕曹州防禦使宗顯宗蕭皆
防禦使以張儉守司徒兼政事令六月丙午行大射柳

之禮庚申以耶律留寧吳守達使宋賀生辰蕭噶濟馬
貽謀賀正旦加平章蕭弘義開府儀同三司尚父兼政
事令秋九月庚申佛寧國奏烏里國數見侵掠賜詔諭之
庚午錄囚括馬給東征軍是月駐蹕土河川冬十月壬
寅以順義軍節度使石用中為漢人行宮都部署丙辰
以東平王蕭巴雅爾為都統殿前都點檢蕭實喇為副
統東京留守耶律巴噶為都監伐高麗十一月壬戌以
北府宰相劉慎行為彰武軍節度使庚辰禁服用明金

縷金貼金戊子如中京十二月丁酉宋遣使來賀千齡
節是月蕭巴雅爾等與高麗戰于茶陀二河敗績約尼
帳詳袞阿克達客省使卓庫渤海詳袞高清明天雲軍
詳袞哈里等死之

八年春正月宋遣使來賀壬戌建景宗廟于中京封沙
州節度使曹順為燉煌郡王是月如渾河二月丁未以
前南院樞密使韓制心按韓制心遼史有傳本紀
誤合二字為懋今改正為中

京留守漢人行宮都部署王繼忠南院樞密使三月己

未以契丹弘義宮使霍實為興聖宮都部署前雲阿南
部節度使崆郭囉積慶宮都部署左祗候郎君耶律罕
四捷軍都監壬午閱飛龍院馬是月獵于雪林石底水
夏四月戊子朔如緬山五月壬申以駙馬蕭克忠為長
寧軍節度使乙亥遷寧州渤海戶于遼土二河之間是
月獵于樺山等地據遊幸表是月紀獵凡四六月戊子錄征高麗戰
歿將校子弟已丑以左伊勒希巴蕭嘉哩為西南面招
討使御史大夫蕭伊濟為伊勒希巴已亥特哩袞耶律

哈噶為南府宰相南面林牙耶律哈瑠為特哩袞癸卯
弛達巴山猿嶺採木之禁秋七月己未征高麗戰歿諸
將詔益封其妻庚申以東北路詳袞耶律都木達為北
院大王戊辰觀稼庚午觀市曲赦市中繫囚以解寧馬
翼充賀宋生辰使副是月如秋山八月庚寅遣郎君赫
伯舍等率諸部兵會大軍討高麗九月己巳以石用中
叅知政事宋遣使來賀千齡節壬申錄囚甲戌復錄囚
壬午駐蹕土河川冬十月乙酉詔諸道事無巨細已斷

者每三月一次條奏戊子遣耶律繼崇鄭玄瑕賀宋正旦癸巳詔橫帳三房不得與卑小帳族為婚癸卯以前北院大王建福為額珍尼果齊哈十二月辛卯駐蹕中京乙巳以廣平王宗業為中京留守大定尹韓制心為特哩袞辛亥高麗王詢遣使乞貢方物詔許之

九年春正月宋遣使來賀二月如鴛鴦灤獵于馬盂山夏五月庚午高麗王詢表請稱藩納貢歸所留王人珠埒哩辛未遣使釋王詢罪並允其請癸酉以耶律宗教

檢校太傅宗誨啓聖軍節度使劉晟太子太傅仍賜保節功臣秋七月甲寅遣使賜燉煌郡王曹順衣物以察

喇耿元吉哈濟宋璋為來年賀宋生辰正旦使副八月

獵于固爾班等山

據遊幸表是月紀獵凡七

九月戊午以駙馬蕭紹

宗平章事括諸道漢民馬賜東征軍以伊勒希巴延寧為兵馬副都部署總兵東征是月駐蹕金餅灤獵于松山黑山宋遣使來賀千齡節冬十月戊寅以聶哱為奚王都監托多羅為北王府錫里軍詳袞辛丑如中京十

一月丁巳以漆水郡王韓制心為南京留守析津尹兵馬都總管己未以伊勒希巴蕭孝順為南面諸行宮都部署加左僕射十二月丁亥禁僧燃身煉指戊子詔中京建太祖廟制度祭器皆從古制乙巳詔來年冬行大冊禮

太平元年春正月丁丑朔宋遣使來賀如渾河二月乙卯如鉞河壬戌獵于高祁林夏四月乙卯錄囚是月清暑于緬山秋七月乙亥遣古哩取石晉所上玉璽于中

京辛巳如沙嶺是月獵于潢河九月如中京冬十月戊
申錄囚壬子宋遣使來賀千齡節及來歲正旦即遣蕭
善程翥報聘己未以薩滿嘉哩為都點檢耶律羅漢努
左皮室詳袞桑古右皮室詳袞庚申如通天觀辛酉復
如通天觀十一月癸未羣臣上尊號曰睿文英武遵道
至德崇仁廣孝功成治定昭聖神贊天輔皇帝大赦改元
中外官進級有差宋遣使來聘甲申立梁王宗真為太子
二年春正月如納水釣魚二月辛丑朔駐蹕魚兒灤三

月甲戌如長春州丁丑宋使來告宋主恒殂子禎嗣位
遣都點檢耶律昇音等充宋祭奠使副林牙蕭日新觀
察馮延休充宋后弔慰使副戊寅遣金吾耶律錫林引
進姚居信宋主弔慰使副戊子為宋主飯三京僧夏四
月如緬山清暑五月庚辰鐵驪遣使獻烏色十六戶六
月乙未宋使來饋其先帝遺物秋七月己卯以耶律信
寧為奉陵軍節度使高麗國參知政事王同顯靜海軍
節度使耶律遂忠長寧軍節度使耿延毅昭德軍節度

使高守貞河西軍節度使九月癸巳遣尚書昇音韓格
賀宋主即位壬寅耶律繅古韓王充賀宋太后生日使
副耶律仙寧史克忠充賀宋正旦使副是月駐蹕和爾
郭斯浞冬十月辛亥至上京曲赦畿內囚十一月丙戌
宋遣使來謝十二月辛丑高麗王詢薨遣使冊其子欽
為高麗國王甲寅宋遣使來賀于齡節

三年春正月丙寅朔如納水釣魚以昇音為平章事乙
亥以蕭臺德為南王府都監林牙耶律信寧西北路招

討都監二月丙申以丁振為武信軍節度使改封蘭陵郡
王戊申以東平王蕭巴雅爾為西南面都招討進封幽
王是月駐蹕魚兒濼夏四月以耶律守寧為都點檢五
月清暑于緬山六月戊申以南院宣徽使劉涇參知政
事蕭孝恭東京統軍兼沿邊巡檢使戊午以蕭璉為左
伊勒希巴蕭琳為詳袞秋七月戊寅以南府宰相耶律
哈噶為上京留守封漆水郡王丁亥賜緬山名曰永安
是月獵于赤山閏月壬辰以蕭伯達韓紹雍充賀宋正

旦使副唐古特程昭文賀宋生辰使副冬十月庚辰宋遣使來賀千齡節及順天節東征統帥霞哩詳袞格訥林牙果濟等分軍自摩穆克嶺及鼓山嶺入不見敵而還是月駐蹕遼河十一月辛卯朔以姪宗範為歸德軍節度使北府宰相蕭孝穆南京留守封燕王韓制心南院大王十二月壬戌以宗範為平章事封三韓郡王己卯封子重元為秦王

四年春正月庚寅朔宋遣使來賀如鴨子河二月己未

獵于塔魯河詔改鴨子河曰混同江塔魯河曰長春河
夏四月癸酉右丞相馬保忠之子世弘使于嶺表至平
地松林為盜所殺特贈昭信軍節度使五月清暑于永

安山六月

據朔
汝增

己未南院大王韓制心薨戊辰以劉慎行

為順義軍節度使甲戌以中山王察克為保靜軍節度
使樂安王蘇克廣德軍節度使蕭嘉哩彰德軍節度使
庚辰以遼興軍節度使周王呼圖克為臨海軍節度使
漆水郡王迪里南院大王秋七月如秋山八月丙辰以

駙馬蕭必塔為都點檢九月以駙馬蕭紹宗為武定軍節度使耶律宗福安國軍節度使冬十月駐蹕遼河宋遣使來賀千齡節十二月以蕭從政為歸義軍節度使康筠監門衛充賀宋正旦使副

五年春正月乙酉如混同江二月戊午禁服用明金及金線綺國親當服者奏而後用是月如魚兒灤三月壬辰以左丞相張儉為武定軍節度使同政事門下平章事鄭弘節臨潢少尹劉慎行遼興軍節度使武定軍節

度使蕭必塔契丹行宮都部署樞密副使楊又玄吏部
尚書參知政事兼樞密使是月如長春河夏五月清暑
于永安山以耶律晨為武定軍節度使張儉彰信軍節
度使李可舉順義軍節度使秋七月獵于平地松林九
月駐蹕南京己亥以蕭迪里李紹琪充賀宋太后生辰
使副耶律守寧劉四端充賀宋主生辰使副冬十月辛
未宋遣使來賀順天節十一月辛丑以左祗候郎君詳
袞蕭羅羅為右伊勒希巴十二月丁巳以漢人行官都

部署蕭孝先為上京留守姪長沙王謝嘉努匡義軍節度使耶律仁舉興國軍節度使甲子以蕭守寧為點檢侍衛親軍馬步軍乙丑北院樞密使蕭和卓薨十二月戊辰以北府宰相蕭布庫為北院樞密使己巳遣蕭諧李琪充賀宋正旦使副庚午以參知政事劉京為順義軍節度使乙亥宋遣使來賀千齡節丁丑禁工匠不得銷毀金銀器

六年春正月己卯朔宋遣使來賀庚辰如鴛鴦灤二月

已酉以密喇濟同知樞密院黃翩為兵馬都部署達噶濟副之霍實為都監引軍城混同江蘇默河之間黃翩徇地女真界得降戶二百七十戊午以國舅帳蕭瑠實圖魯庫領西北路十二班軍奚王府錫里軍已以南京水遣使賑之三月戊寅以大同軍節度使張儉為南院樞密使左丞相兼政事令是月準布來侵西北路招討使蕭惠破之夏四月丁未以武定軍節度使耶律海右勒為特哩袞丙寅如永安山五月辛卯以東京統軍

使蕭繅古為契丹行宮都部署癸卯遣西北路招討使
蕭惠將兵伐甘州回鶻秋七月戊申獵于黑林八月蕭
惠攻甘州不克自是準布諸部皆叛遼軍與戰皆為所
敗監軍尼魯古國舅帳太保哈布爾死之詔遣特哩衮
耶律鴻觀林牙華格等將兵討之九月駐蹕遼河許冬
十月庚辰遣使問夏國與宋交戰之故辛巳以前南院
大王濟魯古為烏爾古德呼勒都詳袞庚寅以蕭孝順蕭
紹宗兼侍中駙馬蕭紹業平章政事前南院大王和多

果沁同知上京留守安格通化州節度使乙丑宋遣使來賀順天節十二月庚辰哈斯罕部乞建旗鼓許之辛巳詔北面諸部廉察州縣及錫林密拉之官戊戌遣杜防蕭蘊充賀宋生辰使副庚子駐蹕遼河

七年春正月壬寅朔宋遣使來賀如混同江辛亥以女真伯埒為特哩袞佛們為頁穆部太師夏四月乙未獵于黑嶺五月清暑永安山六月禁諸屯田擅貨官粟癸巳詔蕭惠再討準布秋七月己亥朔詔更定法令九月

駐蹕遼河冬十一月宋遣使來賀千齡節及順天節乙未以匡義軍節度使中山王察克為保寧軍節度使長沙王釋迦努為廣德軍節度使癸亥以三韓王欽為啓聖軍節度使甲子以左千牛衛上將軍耶律古裕為北院大王十二月丁卯遣耶律蘇頁王永錫充賀宋太后生辰蕭蘇色馬保永充賀正旦使副癸酉以金吾蕭噶嚕為奚錫里軍詳袞

八年春正月己亥如混同江庚申党項侵邊甲子詔州

縣長吏勸農三月駐蹕長春河夏五月清暑于永安山
六月以韓寧劉湘充賀宋太后生辰使副秋七月丁酉
以約尼帳郎君辰格為西北路巡檢與蕭錫林同管二
招討地以南院大王耶律迪里為上京留守戊戌獵于
平地松林九月壬辰朔以渤海宰相羅漢權東京統軍
使士子如中京賜北迪里部節度使耶律延壽旗鼓癸丑準
布別部長呼蘭來降乙卯準布長綽果來降冬十月宋
遣使來賀順天節十一月丙申以耶律求翰為北院大

五十二月辛酉朔以約尼太尉色佛呼為天雲軍詳袞
壬申以前北院大王耶律留寧為雙州軍節度使康筠
崇德宮都部署色寶永興宮都部署埒富宜州節度使
丁亥宋遣使來賀千齡節及來歲正旦

九年春正月至自中京二月戊辰如烏林河夏五月清
暑于永安山六月戊子以長沙王謝嘉努為廣德軍節
度使樂安王蘇克匡義軍節度使中山王察克保定軍
節度使進封潞王豫章王特布長寧軍節度使以耶律

思忠耶律荷耶律曷約尼色佛呼陳邈韓紹韓知白張震
充賀宋兩宮生辰及來歲正旦使副秋七月戊午朔如
黑嶺八月己丑東京錫里軍詳袞大延琳囚留守駙馬
都尉蕭孝先及南陽公主殺戶部使韓紹勳副使王嘉
四捷軍都指揮使蕭佛德僭稱尊號副留守王道平踰
城走至行在告變詔徵諸道兵以時進討延琳分兵西
攻瀋州不克冬十月丙戌朔以南京留守燕王蕭孝穆
為都統國舅詳袞蕭必塔為副統奚六部大王蕭博諾

為都監以討之十一月丙寅以瀋州節度副使張傑為
節度使超授保州戍將夏行美平章事壬申以駙馬劉
四端權知宣徽南院事十二月丁未宋遣使來賀千齡
節以耶律育吳克荷蕭可觀趙利用充賀宋生辰使副
耶律元吉崔閏蕭昭古竇振充賀正旦使副

十年春正月己卯朔宋遣使來賀二月如龍化州夏四
月以耶律行平為廣平軍節度使夏行美為中順軍節
度使五月戊申清暑于柏坡秋七月壬午詔來歲行貢

舉法八月丙午延琳將揚詳世擒延琳以降渤海平冬
十月駐蹕長寧淀十一月辛亥燕王蕭孝穆以東征將
士凱還翌日以燕王孝穆為東平王東京留守國舅詳
袞駙馬都尉蕭必塔封蘭陵郡王奚王博諾加侍中以
權燕京留守兼侍中蕭惠為燕京統軍使前統軍威烏
克大將軍節度使宰相兼樞密使馬保忠權知燕京留守
奚王府都監蕭阿克展東京統軍使十二月乙巳宋遣使來
賀千齡節漆水郡王耶律迪里加尚父烏爾古部節度

使蕭布達為伊實部大王尚書左僕射蕭琳為臨海軍節度使

十一年春正月己酉如混同江二月如長春河三月帝不豫夏六月丁丑朔駐蹕大福河之北己卯帝崩于行

宮年六十一諡曰文武大孝宣皇帝廟號聖宗陵曰慶陵
聖宗統和二十九年開泰九年太平十一年凡四十九年

欽定續通志卷四十四